



REVERENDISSIMO ET ILLVSTRISSIMO
PRINCIPI AC DOMINO,

D. IOANNI
SCHVVICARDO,
SANCTÆ SEDIS MOGVNTIACENSIS METROPOLITANO,
SACRI ROMANI IMPERII PER GERMANIAM ARCHICANCELLARIO
PRINCIPI ELECTORI ET PATRONO BENEMERENTISSIMO.

NVTA de S. Bonifacio, tum veteris, tum recentis memoria Scriptores eruditii, libris, publicisq; litterarum monumentis tradidere; quiq; unus complexus ita sit omnia, ut e segete ad spicilegium, stipulam non reliquerit, inuentum, Illustrissime Princeps, puto neminem. Nam siue Sanctorum Cœlum virtuti oratio par inueniri non potest, siue obliuione eorum memoria diu sepulta, & Dei beneficio è tenebris non raro clariorem in lucem emergit, præclaros quotidie cernimus ingeniorum labores, & amissos recuperari, & obscuratos, meliore in lumine, ceu tabulas præclare pictas, ad usum iuxta, ac delectationem, exponi. In his S. Ludgeri Commentarius, quem,

DEDICATIO.

raro officij studio, laudato pietatis obsequio, de Frace-
ptore suo S. Gregorio Traiectensi, & huius Magistro
& educatore S. Bonifacio praece bonus elaborauit, ar-
bitrij fecerim, esse aliorum, an censeri queat. Mihi in-
terim cogitanti, cui hoc nobile par Sacerdotum, quod,
S. Ludgeri stylo huc usq; vitam retinuit, honoris cau-
sa commendarem, ante primos, in primis occurriti
Reuerend^m & Illustri^m Princeps Elector; non ut hac
qualiacunq; rudia, forte & inculta, in acceptorum
paginam referres, sed, ut à S. Ludgero T. C. oblata, te-
stimonium dicerent, multiplicis beneficentie, & libe-
ralitatis iam pridem in Societatem nostram collocatae.
Quo igitur habitu animi nauigantes excipiunt, ge-
mellum sidus turbante mari, hoc velim, Diuos hosce
geminos, Illustri^m Septemvir, ad te venientes, hac pa-
rum amica Sanctis tempestate, benigne suscipias. Pro-
mitto, sponsore S. Ludgero, non oneri, sed ornamento;
bono publico quoque ad mores & vitam, utiles gra-
tosq; fore. Fulda anno MDCXIV. XXIV. August.

Celsitudin. Vestræ
humillimè deuotus
Christophorus Brovverus.

SAN-